

RESOLUCION DA ALCALDÍA 15 DE NOVEMBRO 2016

“ASUNTO: CONTRATO MENOR DA OBRA DE ADECUACIÓN DO PATIO EXTERIOR DA ESCOLA INFANTIL MUNICIPAL (EXP.056-OBRMen16).

Emítase o presente en base á Providencia de Alcaldía de 14.11.2016.-

1.- Trátase dun contrato mixto, xa que logo, contén prestacións correspondentes a dous tipos de contratos (subministración e obras). Porén, e á vista dos orzamentos que se achegan, obsérvase que a prestación máis importante dende o punto de vista económico é a obra.

De acordo co disposto no artigo 6 do Rd. 3/2011, de 14 de novembro, polo que se aproba o texto refundido da lei de contratos do sector público (TRLCSP), son contratos de obras “aqueles que teñen por obxecto a realización dunha obra ou a execución dos traballos enumerados no Anexo I ou a realización por calquera medio dunha obra que responda ás necesidades especificadas pola entidade do sector público contratante...”.

2.- Pola súa banda, o TRLCSP, regula nos artigos 111 e 138.3, o contrato menor.

De acordo con estes artigos os contratos menores, que se definen exclusivamente pola súa contía, a tramitación do expediente só esixirá a aprobación do gasto, e a incorporación ao mesmo da factura correspondente que reúna os requisitos regulamentariamente establecidos.

Non entanto, no contrato menor de obras deberá engadirse, ademais, o orzamento das obras, sen prexuízo de que deba existir o correspondente proxecto cando normas específicas así o requiran. Deberá igualmente solicitarse o informe de supervisión a que se refire o artigo 125 do TRLCSP cando o traballo afecte á estabilidade, seguridade ou estanquidade da obra.

Os requisitos esixidos polo TRLCSP, teñen o carácter de mínimos polo que non existe impedimento en que, por parte do órgano de contratación, esixanse outros en orde a delimitar os dereitos e obrigacións que asumirán as partes do contrato.

Neste senso, a base 33ª das de execución do orzamento do Concello, referida aos contrato menores, precisa que “cando a contía sexa superior a 1.000 euros e inferior a 18.000 euros, o expediente conterá unha proposta de adquisición razoada, detallada e valorada, debendo acreditarse a consulta a tres empresas, polo menos, salvo que resultase imposible ou inconveniente por razóns que deberán acreditarse no expediente”. Respecto deste último, constan no expediente orzamentos de tres empresas distintas para a execución do contrato.

Por máis abastamento, a citada base 33ª.2 precisa que.-”as propostas de contratos menores deberán remitirse para a súa tramitación ao Servizo de Contratación, para os efectos de comprobar que a persoa física ou xurídica proposta para a execución do contrato estea ao corrente das súas obrigacións tributarias e da Seguridade Social, non estea incurso nas prohibicións de contratar e que en consecuencia reúne as condicións para ser contratista coa Administración Pública, do que o responsable da oficina de contratación deberá deixar constancia escrita no expediente”.

Consta no expediente declaración responsable da empresa/persoa física que presenta a oferta economicamente máis vantaxosa a cal terá os efectos previstos no art. 61.bis do TRLCSP.

Sobre os efectos da declaración responsable, a Intervención xeral da Comunidade de Madrid no seu informe de 19.7.2007 emitido sobre un procedemento en materia de subvencións, indica que.-“La declaración responsable, por lo tanto, dado que así lo establece su normativa reguladora y dado que se trata de un supuesto en el que está permitido por la norma sustantiva, es en sí misma, una forma de acreditación de las circunstancias que en ella se recogen, cuya validez para el procedimiento no debe ser objeto de duda, a no ser que existan elementos de

juicio derivados de la documentación que obre en poder de la Administración concedente o que sea conocida por ésta, que permitan al órgano al que corresponde su valoración estimar que en la empresa afectada no concurren las circunstancias declaradas”.

3.- Como xa expuxemos, de conformidade co establecido no citado artigo 138 do TRLCSP, a denominación de contratos menores, o é en consideración ao seu importe, que ha de ser inferior a 50.000 euros, cando se trate de contratos de obras, ou a 18.000 euros, cando se trate doutros contratos.

Estes contratos non poderán ter unha duración superior a un ano, nin ser obxecto de prórroga nin de revisión de prezos (art. 23 ex. art. 89 TRLCSP). No presente suposto e da documentación obrante no expediente obsérvase que a obra deberá estar rematada como máximo o 30.11.2016.

4.- A competencia para contratar, de conformidade co previsto no apartado primeiro da Disposición Adicional Segunda do TRLCSP, atribúese ao Alcalde, sempre que o importe do contrato non supere o 10 por 100 dos recursos ordinarios do Orzamento. Se sé supera a referida porcentaxe a competencia corresponderá ao Pleno. Non entanto, por Decreto de Alcaldía de 18 de xuño de 2015 (BOP nº 160 de 14.7.2016), dita competencia atópase delegada na Xunta de Goberno Local do Concello de Monforte de Lemos.

Por canto antecede, **RESOLVO:**

PRIMEIRO.- APROBAR o gasto correspondente á adxudicación da execución da obra con cargo á aplicación 326.63200 do vixente orzamento xeral municipal.

SEGUNDO.- ADXUDICAR, por “contrato menor”, a execución da obra denominada de “ADECUACIÓN DO PATIO EXTERIOR DA ESCOLA INFANTIL MUNICIPAL (EXP.056-OBRMen16)” a D. Diego Vila González con DNI. 34.260.192-J e/r A Campiña de Lemos, S.L. con CIF.B-27342898, por un importe de 20.877,00.-€ e 4.384,17 euros de IVE (21%), o que fai un total ascendente de 25.261,17 euros, mediante contrato menor, segundo oferta que achega (NRE. 14797/2016). Advírtese, en todo caso, que a obra deberá estar rematada como máximo o 30.11.2016.

TERCEIRO.- Unha vez executada a obra, incorpórese a factura e tramítese o pago se procede

CUARTO.- NOTIFICAR o presente Acordo ao adxudicatario e ao resto de interesados no procedemento.”

O que manda e asina a o Sr. Alcalde, en Monforte de Lemos, a quince de novembro de 2016, do que coma secretario dou fe e certifico.

O Alcalde

Asdo: José Tomé Roca

O Secretario aactal

Asdo: Jose Mª Valcarlos Rodríguez